

II - ARABAKO LURRALDE HISTORIKOAREN TOKI ADMINISTRAZIOA

ZUIAKO UDALA

Behin betiko onarpena ematea kirol zerbitzuen Arautegiari

2017ko maiatzaren 11n egindako osoko bilkuran, kirol zerbitzuen Arautegiari hasierako onarpena eman zion erabakia hartu zen. Erabaki hori jendaurrean egoteko epearen barruan inolako erreklamaziorik aurkeztu ez denez gero, behin betiko erabaki bihurtzen da, apirilaren 2ko 7/1985 Legeak, toki araubidearen oinarriak arautzen dituenak, 49.c) artikuluan xedatutakoarekin bat etorriz, eta argitara ematen da testu osoa, indarrean jar dadin, aipatutako lege testuaren 70.2 artikuluan xedatutakoaren arabera.

Arautegi honen behin betiko onarpenaren aurka, administrazioarekiko auzi errekurtoa aurkeztu ahal izango da Euskal Autonomia Erkidegoko Auzitegi Nagusiaren administrazio auzietarako salan. Horretarako, bi hilabeteko epea egongo da, iragarki hau argitaratu eta hurrengo egunetik kontatzen hasita.

Murgia, 2017ko abuztuaren 4a

Jarduneko alkatea

AGUSTIN OTSOA ERIBEKO LANDA

ZUIAKO UDALERRIKO KIROL ZERBITZUEN ARAUTEGIA

ZIOEN ADIERAZPENA

Udal honek, beste eginkizun batzuen artean, Zuiako udalerrian kirola sustatu behar du, eta horretarako eginbehar hauek ditu:

1. Mota guztietako kirol jarduerak antolatu eta sustatzea, Zuiako herritar guztiek kirolerako gaitasuna garatu ahal izan dezaten, gizonen eta emakumeen arteko berdintasuna sustatzeko irizpideen arabera.
2. Kirol instalazioak eraikitzea eta haien eraikuntza sustatzea, eta, era berean, eremu libreak kirol eremu, besteak beste, bihur daitezen arduratzea.
3. Herritar guztiei eta gizarteko talde guztiei kirol jarduna ahalbideratzea, kirol jardun guztietan neska eta mutilen presentzia orekatua bultzatuz, eta nerabeek (bereziki, neskek) kirol jardunari uztea ekidinez.
4. Kirol elkarteak sustatzea, intereseko gizarte ekimenak diren aldetik.
5. Kirol lehiaketak eta ikuskizunak sustatu eta babestea.
6. Jardun fisikoaren eta kirolaren irakaskuntza eta praktikarako jarduerak bultzatzea.

Arautegi hau dagokien instalazioak: Palatu kiroldegia, Murgiko Jai Alai pelotalekua, eta Bitorianoko pelotalekua.

ARAUTEGI OROKORRA**LEHENENGOTITULUA. XEDAPEN OROKORRAK****1. artikulua**

Arautegi honen xedea da Zuiako Udalaren kirol instalazioak eta gainerako kirol zerbitzuak erabiltzeko baldintzak eta erabiltzaileen eskubideak eta betebeharrak arautzea, Toki araubidearen oinarriari buruzko Legean xedatutakoari jarraituz.

2. artikulua

Zuiako Udalak, instalazioak behar bezala erabil daitezen, arautegi honetan ezarritakoa argitu, aldatu edo garatzeko xedapenak nahiz ebazpenak emateko eskubidea izango du, ezertan eragotzi gabe instalazioetan lan egiten duten pertsonen oharrak eta argibideak.

Arautegi hau eta urteroko arauak (ordutegiak, tasak...) jendearen eskura egongo dira udalaren bulegoetan eta instalazioetako kontrol eta harrera lekuetan.

BIGARRENTITULUA. INSTALAZIOEN ERABILTZAILEAK**1. KAPITULUA: ABONATU IZAERA ETA BANAKAKO ERABILTZAILE IZAERA****3. artikulua**

Abonatuak izan daitezke, Zuiako udalerrian erroldatuta egon zein ez, tasak ordaintzeko prest dauden pertsona guztiak.

Zuiako Udalak urtero finkatuko ditu tasak.

4. artikulua

Hau egin behar da abonatu izateko:

- a.) Eskatera orria bete.
- b.) Dagokion ordainketa egin

5. artikulua

Abonatuak dira, behin inskripzioa eginda eta onartuta, Udalaren kirol txartela jasotzen dutenak, abonatuak direla frogatu ahal izateko, eta horrez gainera tasen ordainketak egunean dituztenak, 3 urte baino gutxiago dutenak izan ezik.

Abonatu motak:

A) Familia abonamendua: familia unitateko edo horrekin parekatutako entitateko kideak hartuko ditu barnean. Familia unitateko 30 urte arteko kideak hartuko ditu barnean, baina 65 urte baino gehiagokoak ere, baldin eta etxe berean bizi badira.

a.1) Erroldatuak.

a.2) Erroldatu gabeak.

B) Banakako abonamendua:

b.1) Erroldatuak.

— 14 urtetik gorakoa

— 14 urtekoa edo hortik beherakoa.

a.2) Erroldatu gabeak.

— 14 urtetik gorakoa

— 14 urtekoa edo hortik beherakoa.

C) Aldi baterako paseak.

Zuiako Udaleko arduradunek emandako paseak, beste erakunde eta entitate batzuekiko hitzarmenen menpean.

6. artikulua

Inork txartela galtzen badu edo lapurtzen badiote, berehala jakinarazi beharko dio administrazioari.

7. artikulua

Abonatu txartela pertsonala eta eskualdatu ezinekoa da.

8. artikulua

Banakako erabiltzaile arruntak, arautegiaren 3. artikuluaaren arabera, abonatuak bezalako baldintzetan sartu ahal izango dira udal instalazioetara, nahi duten erabilerari dagozkion tasak ordainduz gero.

Zuiako Udalaren instalazioen talde erabiltzaile mota desberdinak ezarri ahal izango dira, aldezturik hitzarmena eginda. Horrela sailkatu ahal izango dira denboraldi bakoitzerako eskaerak egiten dituzten klub eta elkarteak.

2. KAPITULUA: KLUBAK ETA ELKARTEAK

9. artikulua

Zuiako Udalaren instalazioen talde erabiltzaile izango dira denboraldirako eskaera egiten duten klub eta elkarte guztiak.

10. artikulua

1. Entrenamenduak edota lehiaketak egiteko eskaerak ekainaren 1etik 30era bitartean aurkeztu beharko dira. Eskaera horiek eredu ofizialean egin beharko dira.

2. Uztailaren 1etik abuztuaren 31ra bitartean egin nahi diren entrenamendu edota lehiaketarako eskaerak ekainaren 15a baino lehen aurkeztu beharko dira.

3. Instalazioa erabiltzeko baimena jaso ondoren, klub edo elkarteak erabiltzaileen izen-deituren zerrenda aurkeztuko du, sexuaren arabera xehatuta. (Horren helburua emakumeek eta gizonek instalazioez egiten duten erabilera eta kirol jardun desberdina ezagutzea da).

Kirol denboraldia irailaren 1ean hasi eta hurrengo urteko ekainaren 15ean amaituko da.

11. artikulua

Baimenak aurkeztutako eskaeren arabera emango dira, instalazioetako ordutegiak eta Zuiako Udalaren irizpide teknikoak kontuan izanik ezarritako epearen barruan.

Bi entitate edo gehiagok egun eta ordutegi bererako eskaera eginez gero, lehentasuna izango dute beren egoitza udalerrian daukaten elkarte eta klubek.

Zuiako Udalarekin hitzarmenik ez duten kirol elkarte eta klubek hilero ordaindu beharko dute instalazioak erabiltzeagatik.

12. artikulua

Zuiako Udalaren instalazioetan entrenatzen diren taldeek lehentasuna izango dute, kategorien arabera, lehiaketa ofizialeko beren partidetarako pista erreserbatzeko.

Adiskidantzako lehiaketetarako, galdu egingo da lehentasun hori eta instalazioen erabilgarritasuna hartuko da kontuan.

13. artikulua

a.) Instalazioetan entrenatzen diren taldeen partidetarako orduak, beranduenez, partida egiten den asteko asteartean berretsi beharko dira.

b.) Lehiaketetako partidak instalazioan ezarritako ordutegiari lotu beharko zaizkio. Partida hasteko ordua ezingo da 15 minutu baino gehiago atzeratu instalazioarekin zerikusirik ez duten arrazoiengatik. Bestela partida bertan behera uzteko agindu ahal izango da, gainerako programazioari kalterik ez egiteko.

14. artikulua

1. Kontzesiodunek, alokairua ordaindu beharretik salbuetsita egon nahiz ez egon, kontzesio ordu guztiak ordaindu beharko dituzte, erabiltzen ez dituztenak barne, baldin eta 3 egun lehenago ez badute abisatzen ordu horiek erabilgarri egongo direla.

2. Lau aldiz huts egiten bada justifikaziorik gabe, instalazioa ez zaiela interesatzen esan nahiko du eta galdu egingo dute instalazioak erabiltzeko eskubidea eta abonamendua.

15. artikulua

Entrenamenduetarako baimenak Zuiako Udalak antolatzen dituen ekitaldien menpe egongo dira, eta lehendik baimendutako entrenamenduren bat arrazoi horrengatik bertan behera utzi edo ordua aldatu behar bada, ezingo da erreklamaziorik egin. Hala ere, 3 egun lehenago emango da horren berri, ahal den guztietan.

16. artikulua

Instalazioak noizbehinka eta eskaera ofizialik egin gabe erabiltzen dituzten klub, elkarte edo taldeak ez dira instalazioen erabiltzaile izango eta instalazioa erabiltzerakoan ordaindu beharko dute kasuan kasuko tasa.

**HIRUGARRENTITULUA. KIROL INSTALAZIOEN ERABILTZAILEEN
ESKUBIDEAK ETA BETEBEHARRAK****17. artikulua**

Erabiltzaile guztiek eskubide hauek izango dituzte:

a) Kirol txartela aurkeztuta, dohainik sartzea igerilekuetara, berdegune eta haurrentzako guneeetara, parkera, kanpoko kantxara, rokodromora eta aldageletara. Baita ere, Zuiako Udalak erabakitzen dituen bestelako zerbitzuetara ere, jendeari irekita dauden egun eta ordutegietan.

b) Kirol ikastaro eta jardueretan inskribatu eta matrikulatu ahal izatea, dagokion tasa ordainduta. Horrako horiek ordenantzak ezartzen dituen hobariak izango dituzte.

18. artikulua

Abonatuak ez diren banakako erabiltzaile guztiek eskubidea izango dute, kasuan kasuko tasa ordainduta, udalaren kirol instalazioak erabiltzeko, jendearentzat zabalik dauden egunetan eta orduetan.

19. artikulua

Erabiltzaile guztiek, oro har, eskubide hauek izango dituzte:

a) Zuiako Udalak eskaintzen dituen kirol zerbitzu guztiak erabili ahal izatea, kasuan kasuko arauak betez.

b) Egoki deritzeten erreklamazioak egitea.

c) Arautegi honen ale bat eskatzea.

d) Indarra duen legedian eta arautegi honetan aitortzen zaizkien gainerako eskubideak.

20. artikulua

Erabiltzaileek, oro har, betebeharrak hauek dituzte:

- a) Instalazioak erabiltzen dituztenean arautegi honetan xedatutakoa eta instalazioetako langileen oharak betetzea.
- b) Instalazioak eta ekipamendua behar bezala erabiltzea. Arduragabekeriak edo txarto erabiltzearen ondorioz gertatzen diren kalteak egintzaren erantzulearen kontura izango dira.
- c) Funtzionamenduan arazoren bat badago, zerbait apurtzen bada, hutsen bat gertatzen bada edo arautegi honetan xedatutakoa betetzen ez bada, udal langileei horren berri ematea.
- d) Beste erabiltzaileen lehentasunezko eskubideak errespetatzea, batez ere alde aurretik erreserbatutako ordua.
- e) Sasoiz ordaindu izana ezarritako tasak.
- f) Instalazioetan egoki portatzea, langileen lana erraztuz une oro. Nahitaezkoa izango da une orotan langile horienganako errespetuz jokatzeko, eta haien argibideei behar bezala jarraitzea.
- g) NANA erakustea, eskatzen zaienean, instalazioetara sartzeko.
- h) Indarra duen legedian eta arautegi honetan ezartzen zaizkien gainerako betebeharrak.

**LAUGARRENTITULUA. INSTALAZIOETARA SARTZEKO ETA
ATXIKITAKO GUNEAK ERABILTZEKO ARAUAK**

21. artikulua

Udalaren kirol instalazioen xedea da kirola sustatzea, kirolean aritzea eta gorputz jarduerak lantzea, irabazteko asmorik gabe, eta halaber kirol eta kultura ikuskizunak egitea.

22. artikulua

Instalazioak erabiltzeko eskubidea dute gorputz hezkuntza eta kirola sustatzea, besteak beste, xedatutako pertsona, kirol elkarte, klub, irakaskuntza zentro eta bestelako erakunde guztiek. Horretarako, Zuiako Udalak urtero onartzen dituen tasak ordaindu beharko dituzte, hala dagokienez.

23. artikulua

Instalazioak muga hauen barruan erabiliko dira:

- 1. Alde aurretik ezarritako ordutegian.
- 2. Berariazko programazioari loturik, halakorik bada.
- 3. Udalak kasu berezietarako ezarritako baldintzak betez.

24. artikulua

Instalazioetara gauza baliotsurik ez eramatea gomendatzen da, udalak ez dituelako gordailuzaintza kontratuaren bidez babestuko armairuetan edo beste edonon uzten diren gauzak. Beraz, ez da udalaren ardura izango gauza horiek zaintzea.

25. artikulua

Erabiltzaileek unean uneko kirol jarduerarako soilik erabili ahal izango dituzte armairuak. Jarduera amaitutakoan armairua libre utzi beharko da.

26. artikulua

Arau orokor gisa, debekaturik dago udalaren instalazioetan animaliak sartzeko, salbu eta ikusmen urritasuna duten pertsonen txakur gidariak. Arau hori aldi baterako indargabetu ahal izango da ezinbesteko arrazoiak daudenean edo kasu berezietan, Udalak onartuz gero.

BOSGARREN TITULUA. ZUIAKO UDALAREN KIROLGUNEAK ERABILTZEKO ARAUAK**1. KAPITULUA. XEDAPEN OROKORRAK****27. artikulua**

a) Kirolguneak norbanakoei (abonatuak nahiz abonatu gabeak), talde antolatuek, elkarteek, kirol klubek, ikastetxeak, kirol esparruen erabilera kontratatzen duten erakundeek edo pertsonak, udalak berak antolatutako jarduerak eta ikastaroak erabiliko dituzte, ezarritako programazioaren eta ordutegiaren barruan.

b) Kirol interesa edo interes teknikoa dagoenean, udalak erabaki dezake abonatuak eta publiko orokorrari instalazioak ixtea eta erreserba eginda dutenei ere instalazioak erabiltzeko eskubidea baliogabetzea. Horrelakoetan, alabaina, behar adina denbora lehenago emango du abisua.

c) Zuiako Udalak ez du erantzukizunik izango bere instalazioetan kirolean jardutearen ondorioz gerta daitezkeen istripuengatik.

d) Kirolguneetara sartzeko, kasuan kasuko kirol motari dagozkion jantziekin jantzita joan beharko da.

e) Instalazioak erabiltzen dituen irakaskuntza zentroak, kirol elkarteak, erakundeak edo pertsonak ordaindu beharko ditu arduragabekeriaren edo instalazioak txarto erabiltzearen ondorioz gertatzen diren kalteak, eta, lehiaketetako partidetan, aurkako taldeek eragiten dituzten kalteen erantzule subsidiarioa izango da.

f) Aldagelak erabiltzen diren kasuetan, instalazioak erabiltzeko ezarritako ordua baino 20 minutu lehenago sartu ahal izango da aldageletara. Lehiaketetako partidetan tarte hori 60 minuturaino luzatu ahal izango da, kategoriaren arabera. Behin instalazioak erabili eta gero, gehienez ere 20 minutuz egon ahal izango da aldageletan.

g) Ezingo da baloi, pilota edo bestelako objektuekin jolasean ibili aldageletan, pistetarako sarbideetan, harmailetan eta kirol esparrutzat jotzen ez diren gainerako tokietan.

h) Ikastetxeari Gorputz Hezkuntzako klaseetarako materialak erabiltzen utziko zaio. Amaitutakoan material horiek beren biltegira eraman beharko dira.

i) Aldez aurretik ezarritako orduetan erabiltzen diren kirol esparruetatik alde egin beharko da ordu horiek betetakoan. Baliatu gabeko denboraren truke ezingo da luzapenik eskatu, salbu eta denbora erabili ez izanaren arrazoiek instalazioarekin zerikusia dutenean.

j) Udalak erabiltzaile guztiei gomendatzen die osasun azterketa egin dezatela Udalak programatutako edozein jarduerari ekin aurretik.

**2. KAPITULUA. PALATU UDAL KIROLDEGIA ETA JAI ALAI
PELOTALEKUA ERABILTZEKO ARAUAK****28. artikulua**

Kiroldegiko kantxa erabiltzeko erreserba egin beharko da aldez aurretik. Erreserba hori ordu tarte jakin baterako egingo da, eta udalak urtero onartzen dituen tasak ordaindu beharko dira. Kirol txartela dutenek eta kirol klub eta elkarteek izan ezik, erabiltzaile guztiek ordaindu beharko dute duxaren tasa, zerbitzu hori erabiltzen badute.

29. artikulua

Honelako erreserbak egin daitezke:

1. Denboraldiko erreserba, udalerriko kirol klub eta elkarteentzat. Arautegi honetan adierazitako moduan eskatu beharko da.

2. Hilabetekoa, eskatzen duten guztientzako, baldintza hauen pean:

Hilabete osorako:

a) Zozketa eskatutako aurreko hilabeteko hirugarren larunbatean, 12:00etan, abonatuentzako eta hilaren 1etik azken egunera arteko egunetarako, Informazio Zerbitzuan. Pertsona bakoitzeko gehienez ere astean ordu 1erako erreserbatu ahal izango dira pistak. Ordu librerik geratuz gero, bigarren zozketa bat egingo da 12:30etan, abonatura ez daudenentzat.

b) Erreserba, gutxienez, instalazioetako abonamendua duten 2 pertsonak egin beharko dute.

c) Erroldatutako pertsonen osatutako taldeek izango dute lehentasuna erreserbatzean. Eroldatutako pertsona taldetzat hartuko da taldeko bi pertsona gutxienez udalerrian erroldatuta baldin badaude.

d) Erreserbak aldeztu aurretik ordainduko dira.

e) Erreserbaren zenbateko osoa ordainduko da.

f) Beti ordainduko da kantzaren prezioa, instalaziora joan zein ez.

g) Justifikaziorik gabe lau aldiz jarraian huts egiteak erreserba galtzea ekar dezake, eta ordua arte igarotako egunetako kantxa ordaindu beharko da.

h) Kasu jakinetan, ordu librerik dagoenean, erreserba erabiltzerakoan ordaindu beharko da unean uneko erabilera.

i) Udalak eskubidea gordetzen du, egokitzen jotzen duen guztietan, orduen erreserbak baliogabetzeko, erreserbak egin dituztenak pertsona desberdinak izan arren taldeko kideak berak direla ikusten badu.

j) Alokairu ordutegiak hilabetero ezarriko dira.

k) Polikiroldegia dohainik erabili ahal izango da larunbatetan, eta 12 eta 18 urte bitarteko gazte jendeak instalazioak erabiltzen ez dituen gainerako egun eta orduetan.

l) * 12 eta 18 urte bitarteko pertsonen kantxa doan erreserbatzea eskatu ahal izango dute, instalazio hutsik dagoen egunetan.

* Instalazioa erabiltzeko eskaera honako era honetan egin ahal izango da:

Erabili nahi den asteko ostegunetik aurrera erreserbatuta. Erreserba erabili nahi den egunean bertan eginda.

* Erreserban ondokoak adieraziko dira:

Ordutegia.

Jokatuko duten pertsonen izenak.

Erreserba egiten duen pertsonaren izena eta telefonoa.

* Erreserba egin eta ondoren norbaitek alokatu nahi badu, baliogabetu egingo da erreserba eta alokatu nahi duten pertsonen esleituak zaie ordua.

* Taldeko ordubete eskatuko da. Dena den, luzaroago egon ahal izango dira, baldin eta beste eskaerarik ez badago eta instalazioa zabalik badago, hots, irekiera eta itxiera orduak zainduz.

* Aldi berean, ondoko edukia duen agiria izenpetuko da:

Kantxa erabiltzen duten pertsonak: erabiltzaile taldea osatzen dutenen izenak adieraziko dira.

Instalazioaren erabilera baldintzak onartzen ditugu. Hona hemen baldintza horiek:

— Kantxa kirolerako erabiliko da eta ez beste zeregin batzuetarako.

— Zehaztutako ordutegia beteko da eta, hura betetakoan, hustu egingo da.

— Erreserba alde aurretik egindakoetan, onartu egiten dugu instalazioa alokatuz gero gure erreserba baliogabetua izan dadin, udalak telefonoz hala izango dela alde aurretik jakinarazitakoan.

— Kiroldegiko materiala erabiliz gero, jasotako egoera berean itzuliko zaie instalazioetako langileei erabiltzeari utzitakoan.

— Gizalegez jokatu da. Hala jardun ezean, kiroldegiko langileek kantxa husteko eskatu ahal izango dute, eta bete egin beharko dira haien aginduak. Horrelakoetan, udalak eskatzaileen zerrendan ageri direnak zigortu ala ez aztertuko du eta, baiezkoan, zigorraren eta hartarako arrazoi berri emango die familiei.

— Zerbait apurtuz gero, arautegian xedatutakoa aplikatu eta zigortu egingo da.

— Arauak betetzen ez badira, zigor arautegia aplikatuko da.

3. KAPITULUA. IGERILEKU ESTALI GABEAK ERABILTZEKO ARAUAK

30. artikulua

1. Instalazio horiek erabiltzaileen aisiarako eta jostetarako izango dira lehentasunez. Jar-duera fisikorako eta erabiltzaileek igeri egiten ikasteko nahiz igeriketa hobetzeko ere erabili ahal izango dira.

2. Udalak ez du erantzukizunik izango norbaitek igeri egiten jakin gabe edo arduragabekiaz igerilekua erabiltzeagatik istripuren bat izaten badu.

3. Uretan norberaren segurtasuna arriskuan jar dezakeen gaixotasunen bat izanez gero (bihotzeko gaitzak, epilepsiak etab.), erabiltzaileak horren berri eman beharko dio igerilekuko sorosleari.

4. Igerilekuak zabalik dauden ordutegian erabili behar dira. Udalak erabakiko du noiz hasiko eta noiz amaituko den igerilekuak zabalik egoteko denboraldi ofiziala.

5. Eguraldi txarrak ez du igerilekuetan sartzeko kuotaren itzulketarako eskubiderik emango.

6. Edozein modutan jardun ahal izango da igerian, betiere gainerako erabiltzaileei kalterik egin gabe.

7. Ezingo da inolako objekturik erabili, igeri egiteko betaurrekoak izan ezik. Instalazioetan dauden flotagailuak eta igeri egiteko oholak ikastaroetan erabili ahal izango dira.

8. Udal igerilekuak onartutako egutegiaren arabera izango dira zabalik. Udalak epe hori aldatu ahal izango du, inguruabarrek hala eskatzen badute.

9. Urtero zehaztuko da igerilekuen ordutegia, egutegia onartzean.

31. artikulua

1. Ezin da kaleko jantzi eta oinetakoekin sartu igeri ontziaren inguruko esparrura.

2. Igeri ontzietan sartu aurretik dutxa hartu beharko da nahitaez, eta gomendatzen da beste dutxa bat hartzea bainua amaitutakoan.

3. Debekaturik dago igerilekuko ura zikintzea, xaboia erabiltzea, txiza egitea eta abar, eta gainerako erabiltzaileen osasunari kalte egin diezaioketen zauriak edo larruazaleko gaixotasunak dituztenek debekaturik dute bainatzea. Horrelako kasuetan medikuaren ziurtagiria beharko da.

4. Debekaturik daude bultzakadak, jauziak, gainerako erabiltzaileak gogaitarazi edo istripu arriskua ekar dezaketen jolasak, bai eta kortxerak jarrita daudenean haiei heltzea edo gainera igotzea ere.

5. Bainu txanoa erabiltzea nahitaezkoa da.

6. Debekaturik dago instalazioan beirazko objektuak edo objektu zorrotzak sartzea.

32. artikulua

Soroslearen ardura da igerilekuko ordenari eustea. Beraz, ordenari eusteko ematen dituen jarraibideei jaramon egin behar zaie.

Horri buruz, Eusko Jaurlaritzaren araudiak honako hau dio, bere 33. artikuluan:

“Eusko Jaurlaritzak indarrean duen araudiaren arabera, eta betiere ahalik eta erabiltzaile kopuru handienari sarbidea emateko asmoz, ez da utziko igerilekuetara sartzen ur laminan bi metro koadroko pertsona bat dagoenean. Beharrezkoa izanez gero, erabiltzeko txandak antolatu ahal izango dira, erabiltzaile guztiei sarbidea emateko.

Segurtasun arrazoiak direla eta, ez zaie utziko igerilekuetara sartzen 8 urte baino gutxiago dutenei, ikastaroak egiteagatik edo ikastetxe edo klubetako partaide izanik haien ardura duten pertsonekin etorri ezean.

**4. KAPITULUA. BALIO ANITZEKO ARETOA ETA MUSKULAZIO
ARETOA ERABILTZEKO ARAUAK****33. artikulua**

1. Instalazio hauek 18 urtetik gorako erabiltzaileentzako dira. Gazteagoek instalazio horiek erabili ahal izango dituzte udalak baimendutako monitore edo entrenatzaileek laguntzen badiete.

2. Muskulazio gimnasioa honela erabili ahal izango da:

a) Bakarka, sarrera librearekin:

i. Udalaren kirol txartela dutenek.

ii. Bazkide kuota ordaintzen dutenek indarrean dagoen zerga ordenantzaren arabera.

b) Modu programatuan, udalak berak antolatzen dituen jarduerak edo udalerriko kirol klub eta elkarteek udalaren baimenaz antolatzen dituzten jarduerak egiteko. Betiere taldeko pertsona arduradunaren bitartez egingo da sarrera.

c) Erabilera ordutegia urtero egutegia onartzean ezartzen dena izango da.

3. Gimnasioen erabiltzaileek erabat ordenatuta utzi beharko dituzte erabilitako elementuak, funtzionamendu egokirako eta beste erabiltzaileen mesederako.

4. Erabiltzaileei gomendatzen zaie osasun azterketa egin dezatela muskulazio gimnasioa erabili aurretik, ziur jakiteko erabil dezaketen. Udalak ez du erabiltzaileen osasun arazoen erantzukizunik izango.

5. Kirol jantzi eta oinetako egokiak erabili beharko dira eta ezingo da kaleko oinetakoak jantzita instalazioan sartu.

6. Debekatuta dago janaria edo kristalezko ontziak sartzea.

5. KAPITULUA. SAUNA ERABILTZEKO ARAUAK**34. artikulua**

1. Sauna zerbitzua 18 urtetik gorako erabiltzaileentzat da, eta medikuaren gomendioz hura erabil behar duten gazteagoak pertsona heldu batekin etorri beharko dira.

2. Ezarritako tasa ordaindu beharko da sauna erabiltzeko.

3. Garbitasun handia behar duen zerbitzua izanik, erabiltzaile guztien onerako, saunan eskuoihala edo antzekoa erabiltzea gomendatzen da. Norberaren garbitasuna ere zorrotz zaintzea gomendatzen da.

4. Erabiltzaileei gomendatzen zaie osasun azterketa egin dezatela sauna erabili baino lehenago, ziur jakiteko hura erabil dezaketen. Udalak ez du erabiltzaileen osasun arazoen erantzukizunik izango.

5. Sauna saioek ordubete iraungo dute eta denbora hori amaitutakoan aldagelatik irten beharko da. Sauna erabili eta gero, berehala instalazioaren ardura duen pertsonak ondo garbituko du.

6. Banan-banan erreserbatuko da sauna eta, gehienez ere, 3 pertsonak batera erabili ahal izango dute.

7. Erabili nahi den egunean bertan egin daiteke erreserba, libre dauden orduak hartuz. Erreserba egitean ordainduko da tasa. Ordainagiria jasoko da.

Batek baino gehiagok egun eta ordu bera eskatzen badute, zozketa egingo da.

8. Sauna erabiltzeko ordutegia eta egunak, urtero egutegian ezartzen direnak izango dira.

6. KAPITULUA. ROKODROMOA ERABILTZEKO ARAUAK

35. artikulua

1. Abonatuek dohainik erabili ahal izango dituzte rokodromoa eta dutxa.

2. Abonatuta ez daudenek, dutxa erabiltzen badute, ordaindu beharko dute.

3. Debekaturik dago rokodromoa eskaladako materialik gabe erabiltzea.

4. Sokaz lotuta eskalatuko da beti. Lehenengo igoaldian izan ezik; lehenengo aldi horretan gora egin ahala espres guztiak euren euskarrietan jarriko dira.

5. Debekatuta dago sokarik gabe eskalatzea bide batetik, osorik nahiz parte batean.

6. Heldulekuren bat apurtuta edo loka badago, rokodromoko arduradunari jakinaraziko zaio.

7. Eskaladarako material egokia erabiliko da. Eskalatzeko balio ez duen materialarekin datorrenari ez zaio rokodromoa erabiltzen utziko.

8. Instalazioa txarto erabiltzeagatik istripuren bat gertatzen bada, udalak ez du erantzukizunik izango.

9. Rokodromoa erabiltzeko ordutegia eta egunak urtero ezarriko dira egutegia onartzean, eta instalazioaren gainerakoan egiten ari den erabileraren arabera izango dira.

7. KAPITULUA. TENIS PISTAK ERABILTZEKO ARAUAK

36. artikulua

1. Kirol jantzi eta oinetakoak erabili beharko dira.

2. Erreserbak eskatu diren ordenari zorrotz lotuta ezarriko da lehentasun ordena.

3. Zelaia eskatzen den unean ordaindu beharko da erreserba.

4. Tenis zelaiaren erabilera programatu ahal izango da egin beharreko jardueren arabera, eta udalak zuzenduko du programazioa.

5. Egutegian urtero zehaztukoak izango dira tenis zelaia erabiltzeko ordu eta egunak.

8. KAPITULUA. BITORIANOKO PILOTALEKUA ERABILTZEKO ARAUAK

37. artikulua

1. Bitorianoko pelotalekuak, batez ere, kirol jarduera librea du helburua. Ez da inolako erreserbarik egin behar.

2. Erabilera hori mugatu ahal izango da udalak programazio zehatzak egiten edo baimentzen dituenean.

9. KAPITULUA. UDALAREN FUTBOL ZELAIK ERABILTZEKO ARAUAK

38. artikulua

1. Udalaren futbol zelaiak modu honetan alokatu ahal izango dira:

- a) Aldez aurretik udalari eskaera egingo zaio inprimaki egokian.
 - b) Udalak eskaera aztertuko du, udalerriko klubekin sinatutako hitzarmena kontuan hartuz, haiei kalterik ez egiteko sekula.
 - c) Eskaera onartuz gero, udalak hala jakinaraziko die interesdunei eta haiek dagokion tasa ordaindu beharko dute.
2. Urte osorako bada, hilero ordainduko dute. Udalari inprimaki bat emango diote beteta eta bertan agertuko da tasaren zordunketa egiteko kontuaren zenbakia.
3. Unean uneko erabilerarako baldin bada, instalaziora joateko garaian, kiroldegia ardua duen pertsonari.
4. Udalak instalazioa erabiltzeko hitzarmenak sinatu ahal izango ditu udalerriko kirol klub eta elkarteekin.
5. Debekatuta dago pipitak eta oskola duten produktuak jatea joko eremuaren barruan.

10. KAPITULUA. IKASTAROETAN ETA DENBORALDIKO JARDUERETAN IZENA EMATEKO ARAUAK

39. artikulua

Udalak hainbat kirol modalitatetako ikastaro eta jarduerak antolatzen ditu denboraldi bakoitzean.

- 1. Hiru hilabeterik behin emango da izena, deialdian ezartzen diren epeen barruan.
- 2. Izen emateek ez dute indarrik izango ordaindu arte.
- 3. Izena ematean egin beharko da ordainketa, kreditu txartela edo banku helbideratzea dela medio.
- 4. Behin jarduera edo ikastaroa hasitakoan ezin izango da inola ere eskatu kuotaren dirua itzultzeko.
- 5. Ikastaro eta jarduera guztiek, egin ahal daitezen, gutxieneko inskripzio kopurua lortu beharko dute, urtero adieraziko da zenbat.
- 6. Era berean, eta eskolen kalitatea zaintze aldera, ikastaro bakoitzean zenbat ikasle egon daitezkeen gehienez adieraziko da urtero.
- 7. Ikastaroa edo jarduera egiteko gutxieneko pertsona kopurua ez badago, bertan behera utziko da, eta inskribatutakoei dirua itzuliko zaie ahalik eta arinen.
- 8. Kirol txartela duten pertsonak hala adierazi beharko dute inskripzioa egiterakoan, ikastaroen prezioan deskontua egin diezaieten.
- 9. Ikastaroko monitorearen aldaketa ez da dirua itzultzeko arrazoia izango.
- 10. Ezinbestez ikastaro bat bertan behera uzten bada, bertan behera utzitako klaseei dagokien diru kopurua itzuliko zaie parte-hartzaileei.
- 11. Ikastaro edo jardueren iraunaldiaren barruan atsedenaldiak ezarri ahal izango dira. Atsedenaldiak urtero iragarriko dira.

SEIGARREN TITULUA. ZEHAPEN ARAUBIDEA**40. artikulua**

Zehapena dakarren arau haustea izango da arautegi honetan ezarritako arauak ez betetzea.

41. artikulua

1. Portaera egokia ez duten pertsonak ohartarazteko eta are instalazioetatik kanporatzeko ahalmena dute instalazioen arduradunek.

2. Hutsegiteek honako zehapen hauetakoren bat ekarriko dute:

a) Ohartarazpena.

b) Aldi baterako kentzea erabiltzeko eskubidea.

c) Erabiltzeko eskubideak behin betiko kentzea.

3. Hutsegite horiek aztertzean, kontuan hartuko dira erantzukizuna alda dezaketen inguruabar astungarriak, aringarriak edo salbuesleak. Nolanahi ere, akzio judizialak hasiko dira Udalak arestian aipatutako ekintzetan erantzukizun penala edo zibila dagoela antzematen duenean.

4. Gauzak apurtzeagatik, material, giltza eta abarrekoak galtzeagatik eta instalazioak txarto erabiltzaileak kalteak egiteagatik, 2. puntuko zehapenez gainera, isuna ezarri ahal izango da. Isunaren zenbatekoa kasu bakoitzean zehaztuko da.

5. Zehapenak eta haien diru zenbatekoak l. eranskinean zehazturik daude.

**ZAZPIGARREN TITULUA. ERREKLAMAZIO LIBURUA
ETA GALDUTAKO GAUZA ETA JANTZIAK****42. artikulua**

Udal instalazioen erabiltzaileen eskubideak bermatuta egon daitezen, instalazio bakoitzeko sarreran erreklamazio liburua egongo da erabiltzaileen eskura.

Edozein erabiltzailek, abonatu txartela edo NANA aurkeztuz gero, erreklamazio liburua erabili ahal izango du, instalazioetako zerbitzuen funtzionamenduan akatsen bat ikusten duenean. Bere NAN zenbakia, izena, bi deiturak eta helbidea jarri beharko ditu.

Erreklamazioa egiten duenak orri bat beteko du, orriaren kopia bat emango diote, eta erreklamazioaren erantzuna idatziz jasoko du.

Galdutako gauzak bildu eta zainduko dituzte instalazioen ardura duten pertsonak.

“Jantziak eta beste” hogeita hamar egunez gordeko dira gizarte eta kultura etxean bertan eta, epe hori igaro eta jabeek erreklamatu ez badituzte, ongintza edo laguntza erakunderen bati emango zaizkio, edo materialak birziklatzeko tokietara eramango dira.”

ZORTZIGARREN TITULUA. AZKEN XEDAPENAK**43. artikulua**

Zenbait zerbitzuren erabilerari buruzko artikulua osagarriak eta zabalagoak egin ahal izango dira, erabiltzaileek hobeto uler dezaten.

44. artikulua

Arautegi honetan aurreikusita ez dauden kasuak hasiera batean instalazioaren ardura duen pertsonak ebatziko ditu eta gero korporazioaren esku jarri ahal izango dira informazio batzordeetan azter daitezen, kasu bereziak konpontzeko.

45. artikulua

Arautegi honetan egiten diren aldaketak eta urte bakoitzeko tasak behar bezala argitaratuko dira, ahalik eta hedapen handiena izateko moduan.